

INUIT ATAQATIGIIT

INATSISARTUNI



25. januar 2011
11. august 2010

UPA 2011/18
UKA 2010/39

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara.

Ilinniarfinni meeqqallu atuarfiini attaveqatigiinnikkut teknologip ukunatigut atorneqarnerata annertusarneqarnissaanik attaveqaatillu pitsanngorsarneqarnissaanik Naalakkersuisut suliniuteqaqqullugit Inatsisartut aalajangiiffigisassaattut siunnersuut:

1. Internetsi ilinniarfinni atuarfinnilu tamani killilersugaanngitsumik atorneqarsinnaalersinneqassaaq.
2. Attaveqaatit pitsaanerpaat (sukkanerpaat) ilinniarfinni tamani pilersinneqassapput.
3. Ungasianiit ilinniartitsinerup atorneqarnerulernissaa siunertaralugu “ungasianiit ilinniartitsivimmik” pilersitsisoqassaaq. Ungasianiit ilinniartitsiviup pingaarnertut salliutillugulu suliarissavaa nunaqarfinni meeqqat atuarfiini atuartitsissutit ilinniartitsissusaaleqiffiusut naammaginaratumik atuartitsissutaalernissaat anguniassallugu.

(Inatsisartunut ilaasortaq, Kaali Olsen, Inuit Ataqatigiit)

Tungavilersuut

Ullutsinni attaveqatigiinnikkut teknologip imaluunniit internetsip ilinniartitaanerni atuartitsinermilu atorneqarsinnaanera suli killilerujussuuvoq. Inatsisartut 2010-mut ukiunilu missingersuusiorfiusuni Aningaasanut inatsimmi konto pingaarnermi 40.90.08-mi aningaasat kr. 10,4 mio. ilinniartitaanermi qarasaasiaqarnerup ingerlanneqarneranut aningaasaliissutaapput. Tele Greenlandip internetsimik atuinermut akigititaasa annertussusaat pissutigalugit ilinniarfinni atuarfinnilu internetsimik atuneq taamaallaat naqinnernik nassiussinnernut (tekstbaseret) aallernermullu killilerneqarsimavoq tamannalu pissutigalugu, assersuutigalugu assinik, filminik, nipinik aammalu internetsimi naapittarfinnik assigiinngitsunik ilinniarfinni atuarfinnilu atuisinnaaneq killilerneqarsimalluni.

Ilisimaneqartut internetsi paasissutissarpassuarnik ilinniarfiusinnaasunik aallerfiusinnaaginnarani aamma nunarsuarmi sumiikkaluartunut attaveqaatit pitsaalluinnartunik periarfissiivoq. Internetsi aamma annertunerujartortumik niuernikkut periarfissanik ammaassartorpoq, isummanik nutaanik pilersitsiviulluni kiisalu ungasianiit atuartitsissutit annertunerujartuinnartumik atorneqarluni.

Naak angerlarsimaffiit amerlanerujartuinnartut qarasaasiakkut internetsimut attaveqalersimagaluartut suli ilaqutarippassuaqarpoq attaveqatigiinnermut teknologimik atuilersimangitsunik isumakulugineqarsinnaavorlu innuttaasut taakkua ineriartornermut kinguussaagaluttuinnarnissaat.

Siunnersuutip massuma attaveqatigiinnermi teknologiip ilinniartitaanikkut atortorissartutit suli annernik atorneqalernissaa inuiaqatigiinnilu ineriartornermut suli maannamit annerusumik iluaqutaalernissaa siunertara.